

**J.P. MEĐUNARODNI AERODROM "SARAJEVO" D.O.O.**

Kurta Schorka 36, 71210 Sarajevo, Bosna i Hercegovina

Registровано kod: Općinski sud Sarajevo, MBS 65-01-0419-11; JIB 4200068970001; Carinski broj 200068970001
RAČUN: 3387302205238447, UniCredit banka d.d. Mostar, BiH

Vrsta dok.	Izdavač	RB
DOP	5 01	2843

Strana:
1 od 1

Broj protokola: 05-1-25-1-389-16/24

JAVNO

DATUM: 09.04.2024. godine**PRIMALAC:** PURIVOX GmbH, Ottersheim, Njemačka
DANIAL S d.o.o. Tešanj**PREDMET:** Obavijest o prihvatanju ponude u postupku nabavke robe:
– Plinski topovi**VEZA:** Naš broj: 389/24

Poštovani,

na osnovu člana 71. Zakona o javnim nabavkama ("Službeni glasnik BiH", broj 39/14 i 59/22) obavještavamo vas da je, nakon okončane procedure pribavljanja ponuda za nabavku robe: Plinski topovi, provedene metodom Konkurentski zahtjev, na prijedlog Komisije za provođenje postupka nabavke, Odlukom Uprave J.P. Međunarodni aerodrom "SARAJEVO" d.o.o. Sarajevo, koja vam se dostavlja u prilogu, za predmetnu nabavku prihvaćena ponuda ponuđača PURIVOX GmbH, Ottersheim, Njemačka.

S poštovanjem,

DIREKTOR
Alan Bajić

Prilog: Odluka o prihvatanju ponude;

DOSTAVLJENO:

1. Ponuđaču
2. Upravi Društva
3. Sektoru za administrativnu podršku
4. a/a



	Tel	Fax	E-mail
INFORMACIJE	+387/ 33/ 289 100	+387/ 33/ 289 356	info@sarajevo-airport.ba
DIREKCIJA	+387/ 33/ 289 200	+387/ 33/ 289 201	direkcija@sarajevo-airport.ba
OPERATIVNI CENTAR	+387/ 33/ 289 120	+387/ 33/ 766 841	opc@sarajevo-airport.ba
WEB	www.sarajevo-airport.ba	/	/

ADD
[Handwritten signature]

[Handwritten signature]



U P R A V A	Strana: 1 od 2
Broj protokola: 05-1-25-1-389-15/19	JAVNO

Datum: 08.04.2024. god.

Na osnovu člana 70., a u vezi sa članom 88. Zakona o javnim nabavkama („Službeni glasnik BiH“, broj 39/14 i 55/22) i člana 45. Statuta J.P. Međunarodni aerodrom "SARAJEVO" d.o.o. Sarajevo, te na osnovu izvještaja i preporuke Komisije za provođenje postupka javne nabavke robe: Plinski topovi, broj: 05-3-25-1-389-14/24 od 14.03.2024. godine, Uprava J.P. Međunarodni aerodrom "SARAJEVO" d.o.o. Sarajevo, na 205. sjednici, održanoj dana 08.04.2024. god., donosi

O D L U K U

I

Za nabavku robe: Plinski topovi, prihvata se ponuda ponuđača PURIVOX GmbH, Ottersheim, Njemačka, zavedena na protokol Naručioca dana 05.03.2024. godine, pod brojem: 04-1-25-1-389-6/24, u iznosu od: 29.992,65 KM (dvadesetdevetstotridestostdevetdeset i 65/100 KM), odnosno 15.335,00 EUR (slovima: petnaesthiljadatristotridestpet EUR), bez PDV-a.

II

Po proteku rokova za reviziju Naručilac će pozvati izabranog ponuđača radi zaključivanja ugovora o nabavci robe iz tačke I ove Odluke, kojim će se regulisati međusobna prava i obaveze ugovornih strana.

O b r a z l o ž e n j e

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku robe: Plinski topovi, direktor J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka predmetne nabavke, broj: 05-3-25-1-389-3/24 od 09.02.2024. god., a Rješenjem, broj: 05-1-25-1-389-5/24 od 16.02.2024. god., imenovao Komisiju za provođenje postupka.

U skladu sa naprijed navedenom Odlukom, J.P. Međunarodni aerodrom "SARAJEVO" d.o.o. Sarajevo (u daljem tekstu: Društvo) je dana 16.02.2024. godine na portalu javnih nabavki objavio obavještenje o nabavci, broj obavještenja: 246-7-1-109-3-24/23. Do ostavljenog roka za predaju ponuda, 07.03.2024. god., do 12,00 sati, na adresu Naručioca ponuda su dostavila dva ponuđača, i to PURIVOX GmbH, Ottersheim, Njemačka i DANIAL S d.o.o. Tešanj. Na javnom otvaranju ponuda, održanom isti dan u 12,30 sati, bez prisustva predstavnika ponuđača, pročitani su nazivi ponuđača i ponuđene cijene, i to PURIVOX GmbH, Ottersheim, Njemačka: 29.992,65 KM/15.335,00 EUR, bez PDV-a i DANIAL S d.o.o. Tešanj: 30.000,00 KM, bez PDV-a. Nakon javnog otvaranja ponuda, Komisija se sastala radi detaljne analize ponuda, te je konstatovala sljedeće:

1. Ponuda PURIVOX GmbH, Ottersheim, Njemačka

Prilikom detaljnog pregleda ove ponude utvrđeno je da je ponuda ovog dobavljača formalno-pravno, tehnički i računski ispravna, te je ocijenjena prihvatljivom

2. Ponuda DANIAL S d.o.o. Tešanj

Nakon pregleda ponude Komisija je konstatovala nedostatke koje se ogledaju u činjenici da ponuđač nije pripremio ponudu u skladu sa odredbama zahtijevanim tenderskom dokumentacijom i Zakonom o javnim nabavkama. Naime, u tački 2.1 pod f) tenderske dokumentacije od ponuđača je zahtijevano da dostavi tehničku dokumentaciju (kataloge, datasheets-e i slično) za ponuđenu robu kako bi se utvrdilo da ponuđena roba odgovara traženoj u smislu tehničkih karakteristika. Međutim, ponuđač je umjesto tražene tehničke dokumentacije, na stranici br. 18. ponude dostavio kopiranu tehničku specifikaciju ugovornog organa, sa logom proizvođača opreme KURT BOOMSAN iz Turske i slikom ponuđenog plinskog topa. Uvidom u sliku ponuđenog plinskog topa odmah je uočeno da plinski top nije trilateralne simetrije, što je jedan od zahtijeva iz tehničke specifikacije. Naime, ponuđeni top se nalazi na tronožnom stalku, što svakako nije bio zahtjev ugovornog organa, s obzirom da bi isti bio izložen jakim udarima vjetra pri korištenju, te kao takav ne bi bio stabilan, a samim tim ni funkcionalan. Imajući u vidu činjenicu da je ponuđač ponudio robu koja očito nije u skladu sa tehničkom specifikacijom, izvršena je provjera ponuđenog plinskog topa na stranici proizvođača opreme (<https://kurtbomsan.com.tr/wp-content/uploads/2023/04/Kurtbomsan-2023-Catalogue.pdf>), te je evidentirano da se radi o plinskom topu pod nazivom KBS-E4, gdje je uočeno nekoliko dodatnih nedostataka. Proizvođač je u katalogu naveo da je visina plinskog topa podesiva od 1 – 1.5 metara, kao i da je materijal izrade pocinčani čelik, dok su zahtjevi iz tehničke specifikacije u pogledu visine maksimalno 65 centimetara, dok je materijal izrade nehrđajući čelik.

Vrsta dok.	Izdavač
ODL	5-01
Strana: 2 od 2	
JAVNO	

Daljnijim uvidom na stranici ponuđača (<https://kurtbomsan.com.tr/urunlerimiz/elektronik-tripodlun-gunes-enerjili-kus-kacirici-cihaz-kbs-e4/>) utvrđeno je i da je nivo zvučnog pritiska 120 dB, dok je minimalni zahtijevani nivo zvučnog pritiska 145 dB (mjereno metar od cijevi).

Imajući u vidu da je ponuđač dužan, u skladu sa članom 57. stav (1) Zakona o javnim nabavkama, pridržavati se svih zahtjeva i uslova iz tenderske dokumentacije, a s obzirom da ponuda ne ispunjava sve zahtjeve iz tehničke specifikacije, Komisija je ponudu, u skladu sa članom 68. stav (4) tačka i), odbaci, ocijenila neispravnom i neprihvatljivom za Naručioca.

Za predmetnu javnu nabavku bila je predviđena e-aukcija, ali imajući u vidu da je zaprimljena samo jedna prihvatljiva ponuda ona nije provedena.

S obzirom na naprijed navedeno, Komisija je predložila Upravi Društva da se ponuda ponuđača PURIVOX GmbH, Ottersheim, Njemačka prihvati, te ugovor u vrijednosti od od 29.992,65 KM/15.335,00 EUR dodijeli ovom ponuđaču.

Uprava Društva je na svojoj 205. sjednici, održanoj dana 08.04.2024. god., razmotrila Izvještaj i preporuku Komisije, te je, nakon uvida u vođeni postupak, istu i prihvatila.

S obzirom na naprijed navedeno, Uprava Društva je, na osnovu člana 70. Zakona o javnim nabavkama, donijela Odluku kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa - Društva, u pisanoj formi, direktno, elektronskim putem ili preporučenom poštanskom pošiljkom, u 3 (tri) primjerka, i to u roku od 5 (pet) dana od dana prijema Odluke.


DIREKTOR
Alan Bajić

Prilog: Zapisnik o pregledu i ocjeni ponuda;

DOSTAVLJENO:

1. Ponuđačima
2. Upravi Društva (orig.)
3. Sektoru za administrativnu podršku
 - Služba za komercijalne poslove (orig.);
 - Služba za pravne poslove i protokol;
4. Sektoru sigurnosti i zaštite
5. a/a